

續修貴州通志館敬贈

二十四年九月



黔南叢書

第一集第五冊



官有渝從正

初九官有渝貞吉 吉也出門交

隨 隨剛 出門交有功 六 有功不失也

元 來而下 二係小子失丈夫 係小子弗兼

亨 柔動而 六三係丈夫失 與也係丈夫

利 說隨大 小子隨有求得利 志舍下 後五叶

貞 亨貞无 居貞 九四隨有 也隨有獲其

无 咎而天 獲貞凶有孚在道 義凶也有孚

咎 下隨時 以明何咎 九五 在道明功也

隨時之 孚於嘉吉 上六 孚於嘉吉位

義大矣 拘係之乃從維之 正中也拘係

哉 王用亨於西山 亨與 之上窮也

隨亦否卦上下二爻之交易也初上爲上則成說體

上來爲初則成震體動而合乎人情則人皆說從是

以元亨然或違道干譽邀結人心則其咎大矣卦之

二五正而且中則貞而无咎矣否泰言往來往者消

也故惟陰陽消長之卦言往言來餘卦只言上下或

言來而不言往此卦又須與歸妹對看此動而說故

其辭吉彼說而動故其辭凶當其可之謂時動而說則合乎時之宜矣本義從王肅本隨時作隨之隨時之義作隨之時義

卦以動而說爲隨我動而彼說是以人隨我而言爻則以我隨人而言彖合二體而言故元亨无咎爻以各爻之位言故有吉有凶內卦坤靜剛下而爲震震動也動則變渝而有所隨官如心官之官耳目之官亦曰官然在外者也惟人心在內爲身之主隨則心之動也隨之始也隨而誘於勢利陷於邪僻則凶矣

惟自守以正則吉此以所隨之事言其出門而交則
必事賢友仁乃有切磋之益不然則比匪之傷矣此
以所隨之人言同人之出門同人貴无私也此卦出
門只作隨字看出門而隨獨居又何隨乎艮爲門初
在門內故戒之二應五而近比初應正而比之情私
應遠而比之情親故係初則失五大傳所謂或害之
也自古聽細人之言而違老成之謀以及於敗者多
矣初在下位卑爲童僕爲小子三雖與初同體而密
比於四則舍初從之矣以陰隨陽亦不爲失陽實陰

虛其隨也有所求也陰陽之情合則求而得矣然三
不中不正以相比之私而隨隨而有求已失其正即
有所得能保其永好乎惟居貞而不妄有所求則吉
不然則凶故君子正已而不求於人也四居大臣之
位在上下之間承上之命從民之欲或以容說而邀
寵榮或以摸稜而干衆譽即不求而獲如上之賜下
下之獻上名雖近正亦凶道也蓋大臣當以道事君
正已格物隨而有獲其義凶矣然又非必執拘也惟
有獲而隨則不可耳若其上下交孚以誠相信于上

非曲從於下非干譽而皆在於道而吾之所以決其從違者又皆深明乎利害得失之數而不敢苟如是而隨則將順其美好惡同民又何咎乎有獲泛言非專指獲三也蓋人情易動於利則詭隨而失正四以剛居柔故戒之六五與二以中正相應志同道合相得益彰非苟同也何吉如之上六辭雖繫上而義原於五上處隨終別无應與惟九五之是從九五陽剛中正非有邀結之術蓋其德澤入人之深而人心說誠服依之如父母於其所往追隨不舍反若九五拘

繫之而不能離乃於其所至之地相從而維之不忍
去也此隨之至也昔者太王之遷岐當患難之時而
民之從者如歸市王乃因人心之說從定居於岐下
而祭享於西山所謂明德以薦馨香民和而神降之
福遂以開八百年之基隨之時義豈不大哉互艮爲
山而兌在西卦又互益益之辭曰利用爲依遷國亦
有其象

澤中有雷隨君子以嚮晦入宴息

雷動也而在澤中時之靜也而澤又有虛明之象君

子嚮晦入宴息靜虛之中而動之理亦自在矣

靜中肯靜靜中肯以靜靜中肯以靜

靜中肯靜

靜中肯靜

靜中肯靜

靜中肯靜

靜中肯靜

由靜中肯靜靜中肯以靜靜中肯以靜


靜中肯靜靜中肯以靜靜中肯以靜

靜中肯靜靜中肯以靜靜中肯以靜

靜中肯靜靜中肯以靜靜中肯以靜

靜中肯靜靜中肯以靜靜中肯以靜

靜中肯靜靜中肯以靜靜中肯以靜



幹父之蠱

初六幹父之蠱 意承考也

蠱元

蠱剛上而

有子考无咎厲

幹母之蠱

亨利

柔下巽而

終吉

九二幹

得中道也

涉大

止蠱蠱元

母之蠱不可貞

幹父之蠱

川先

亨而天下

九三幹父之

終无咎也

甲三

治也利涉

蠱小有悔无大

裕父之蠱

日後

大川往有

咎

六四裕父

往未得也

甲三

事也先甲

之蠱往見客

幹父用譽

日

三日後甲

六五幹父之蠱

承以德也

三日終則

用譽上九不

事王侯

有始天行

事王侯高尙其

志可則也

也

事

蠱本泰卦初上二爻之交易初往爲上遂成止體上

來爲初遂成巽體夫陰陽之氣欲其流行交易則无

愆伏此卦陽止於上而不降陰伏於下而不升則上

下不交凡物陰氣之伏於內而无陽氣以散之未有

不蠹蝕而蠱壞者也故曰巽而止蠱旣已蠱矣而又

曰元亨傳第曰天下治究莫明其所以元亨之故也
曰彖固已言之矣所謂涉川與先甲後甲是也傳固
已釋之矣所謂往有事終則有始也卦之艮巽既已
蠱矣无可言矣然天下之事與天下之物凡蠱壞者
必從而更新之當此之時以人事而言皆若有奮興
之志氣當往而有事以濟乎險難而人事必合乎天
行一治一亂天之運一終一始天之行若亂不復治
終不復始則乾坤幾乎息矣故蠱則必元亨也曷言
乎先甲後甲自漢以來或以支干或以圖位不知東

北西南惟坤蹇解升象有明文未可泛解諸卦夫辭
因象繫象在卦中豈可卦外求象象外釋辭蓋此卦
上四爻艮震反對下四爻兌巽反對震反爲艮而陽
止於上巽反爲兌而金尅夫木所以蠱也事之終也
循環往復天道也艮反爲震木生於春兌反爲巽木
長於夏終則有始也卦象也五行惟木爲蠱其雕落
滋長生意消息爲易見故曰天之行也艮陽之終震
陽之始兌陰之終巽陰之始故恆之震巽亦曰終則
有始震巽皆木故言甲河圖不言五行而文圖言之

故文周繫辭言甲言庚三日以爻言天道如是人事亦如是故蠱則必享蠱之終則有始天行也巽之无初有終人事也然在天則氣化之自然而在人宜盡乎人事之當然故曰往有事也風雷爲益木道之行山風爲蠱木道之止止則蠱矣而卦互震止不終止又上四爻有虛舟之象巽爲風而互澤利涉之象諸爻取父母之義朱子謂前人已壞之緒是也然必卦有是象蓋乾坤者衆卦之父母卦本泰卦因初上二爻剛柔相易遂成蠱卦由泰而否也幹前人之蠱

者非異人任故諸爻皆以子言幹者楨幹築室之具
作室者父子相承之事詩曰築室百堵其繩則直載
板以縮巽木也繩直也互兌亦仰巽卦之下四爻二
陰附二陽其具也有大過之象焉有小過之象焉互
震上動下入其事也上四爻中虛有墉象初六蠱之
初乾爲父而剛上爲上爻退處无位之地柔下而承
之遂成楨幹之象巽順也諭親于道以柔承剛恐拂
其意故厲有子如此則將順匡救不顯其親之失考
之所以无咎也豈不終吉乎蓋其意在乎承順其考

而不敢自遂也九二不可貞不宜固執之意夫事理之正者貞也然有時執理之正而已拂親心是先不得於親也而可乎故雖貞亦不可執苟无大害於義者亦當曲從之其甚不可則或姑徐以俟之幾以諫之以俟其聽從可也傳故曰得中道也卦惟二五相應故獨取母象以剛承柔故戒之九三重剛故有悔然當蠱之時非剛不能勝任故小有悔而无大咎四則以柔處柔裕寬緩之意築墻者緊束其繩而堅築之寬鬆則解幹蠱者勤敏則事集怠緩則墮安能慊

于心乎六五柔而得中有調劑之美而无更張之迹
不獨蓋前愆而且有令譽傳故曰承以德也然則三
之有悔亦過用其才也上九居卦之外不事其事者
也天下未有子不事家事惟國事則或不在其位不
當其任且子位无有在上者惟臣有事外之象故變
子道言臣道上九不當任事之位有不事王侯之象
上當蠱之終亦當蠱之極無可幹者蓋極重不可反
之時雖有善者亦无如之何矣上九居无位之地蕭
然事外豈否之所謂不可榮以祿者耶陽剛在上其